

**Ethica Amoris, Sive Theologia Sanctorum, Magni
Præsertim Augustini, Et Thomæ Aquinatis**

Circa Universam Amoris & Morum Doctrinam, Adversus Novitias Opiniones
Strenuè propugnata, Et In Materiis Principaliter Hodie Controversis
Fundamentaliter discussa

De Generalibus Principiis Amoris Et Morum - Prolegomena septem,
Librosque undecim complectens

**Henricus, de Sancto Ignatio
Leodii, 1709**

Caput XV. Satisfit contrariis argumentis.

[urn:nbn:de:hbz:466:1-73187](#)

Pars V. De peccatis ignorantiae

723

64. ubi nulla divine legis est applicatio per cognitionem, nulla legis illius datur transgressio, seu peccatum theologicum. Igitur peccata illa, secundum se, ad lumen philosophica fure, non obstante culpabilitate & vincibilitate ignorantiae, seu incognitiae.

132 Quinto, si vera sit illa doctrina, sequitur peccata Iudaorum, commissa ex culpabili ignorantia, quâ Dominum gloriae non cognoverunt, qualia fuerunt blasphemie, contumelia, persecutio Christi, & Apostolorum, deicidium, &c. non fuisse peccata per se & ratione sui imputabila, sed solum ratione alterius, nempe ignorantiae culpabiliter admissae. Quod (licet Terillus concedat in fundam. Theol. Moral. q. 16. n. 68.) piis auribus inicit horrorem.

133 Sexto, sequitur quoque eum qui ex culpabili ebrietate decem committit fornicationes, vel decem homicidia, gravius non peccare, nec gravius puniendum esse, quam si unam dumtaxat fornicationem, unum homicidium committeret. Et illum ex duobus, aequaliter culpâ excaecatis & induratis, qui centum adulteria totidemque homicidia committeret, non magis peccaturum, nec puniendum, quam alterum, qui unum tantummodo perpetraret. Cum sic philosophandum sit de peccatis commissis ex ebrietate, cæcitate & obduratione culpabili, sicut de commissis ex ignorantia culpabili. Illud autem quis non exhorreat?

134 Scio Adversarios concedere, non solam primam ignorantis, ebrii, excaecati, indurati, culpabilem causam, sed & liberam illius continuationem, seu perseverantiam in ea, ad culpam novam imputari. Sed liberam illius continuationem ipsi non admittunt, si nulla occurrat culpabilis causa non continuandæ, seu depellendæ actualis cogitatio, nulla nova vel continuata libertas excutiendæ ebrietatis, nulla hæc & nunc gratia sufficiens ad tollendam cæcitatem, obdurationemque. Qualis nulla adest, si nulla actualis cogitatio ad eam tollendam occurrat.

C A P U T XV.

Satisfit contrariis argumentis.

135 Obijices 1°. Augustinus in exposit. quārumd. proposit. in Epist. ad Rom. pos. 62. Pharaonem liberâ voluntate obduratum, non culpat in eo quod Deo in statu illo non obtemperaverit, sed in eo dumtaxat quod causam voluntariam obdurationi dederit: non ergo hoc illi imputatur, quod tunc non obtemperaverit, quandoquidem obdurato corde obtemperare non poterat; sed quia dignum se præbuit, cui cor obduraretur, præcedenti insuffiditate.

Respondeo cum Thoma de Lemos in Panoplia gratiae to. 4. l. 4. p. 2. tr. 3. c. 20. n. 296. illas explanationes Epistolæ ad Romanos scripsit.

Tom. I.

sisse Doctorem sanctum (ut ipse testatur 1. Retract. c. 23.) cum adhuc esset Presbyter, nec in his materiis, tunc ita, sicut postea versatus. Unde in aliis posterioribus opusculis & libris contrarium omnino docet, non solum dum v. g. 50. super Deuteron. generaliter docet: *sine adjutorio Dei homines... obedire non posse.... Et tamen si adjutorium Dei desit, non ideo excusabile esse hominis vitium) verum in particulari, loquendo de eodem Pharaone, ut patet 1°. ex lib. 83. qq. q. 68. ubi sic habet: illi, nempe Pharaoni, non desuisse vocationem, cui posset obtemperare, memoriam utique de bonis quæ receperat terra sua ex Joseph, ut proprieà à persecutione Israëlitarum desistere debuisset. Et clarius serm. 88. de temp. ubi ex instituto refelliit eos qui dicunt, Pharaoni imputandum non fuisse peccatum quod fecit, cum erat induratus. Denique lib. 1. Retract. c. 15. hanc & similes propositiones retractat, dum ait: *Qui vero cogenti cupiditati, bona voluntate resistere non potest, & ideo facit contra præcepta justitia, jam hoc ita peccatum est, ut sit etiam pana peccati.**

Vel ipse Pharaon hujus testis est veritatis, 136 dum Exod. 9. post plagam septimam, misit & vocavit Moysen & Aaron, dicens ad eos: *Peccavi etiam nunc. Dominus iustus: ego & populus meus impii. Et c. 10. post octavam: Festinas Pharaon vocavit Moysen & Aaron, & dixit eis: Peccavi in Dominum Deum vestrum, & in vos. Sed nunc dimittite peccatum mihi, etiam hâc vice, & rogate Dominum Deum vestrum, ut auferat à me mortem istam. Sed & de Iudeis, Pharaoni similibus in obstinatione juxta Joan. 12. Christus ibidem c. 15. dicit, quod nunc excusationem non habent de peccato suo. Aliam solutionem vide p. 1. c. 25.*

Objicies 2°. S. Thomas supplem. q. 98. a. 6. ad 3. expresse dicit, quod necessitas peccandi, cuius causa sumus, excusat à culpa, in quantum est necessitas quadam. *Quia omne peccatum oportet esse voluntarium. Sed quod non excusat, hoc est in quantum à voluntate præcedente processit. Et si totum demeritum sequentis culpa videtur ad primam culpam pertinere.*

Respondeo, S. Thomam non dicere quod nullum sit demeritum sequentis culpæ, nisi demeritum prioris culpæ, sed totum demeritum sequentis culpæ ad primam culpam pertinere, quantum ad primam radicem demeriti, quæ est ratio voluntarii & liberi. Siquidem peccata commissa ex necessitate, in quam culpâ nostrâ incidimus, non sunt libera & voluntaria in se, sed in culpa illa, seu causa culpabili dumtaxat. Hoc ipso vero quod libera sunt & voluntaria in ejusmodi causa, in seipso verè peccata sunt, verèque imputabilia. Et, quamvis in damnatis (de quibus ibi S. Doctor) in seipso demeritoria non sint, propter hoc non excusat à demerito, quia damnati necessitatem peccandi habeant (ait ibidem S. Doctor) sed quia ad summum malorum perverserunt. Quodque ratio liberi & voluntarii in

Yyy

Liber Decimus.

724

cauta sufficiat ad hoc ut in seipsis peccata & ad novam pœnam imputabilia sint, qua contra legem sequuntur ex tali causa, S. Thomas expreflè docet in 2. dist. 35. a. 3. ad 3. q. 2. de malo a. 1. ad 11. q. 23. de volunt. Dei a. 7. ad 6. 1. 2. q. 7. a. 5. q. 76. a. 4. ad 4. 2. 2. q. 79. a. 3. ad 3. & q. 150. a. 4. Confer quæ dixi p. 1. c. 24. & 25.

138 Objicis 3°. Si ad novam pœnam imputabilia forent peccata, quæ contra legem Dei sequuntur ex causa culpabili, v. g. ebrietate, sequeretur ex duobus ebriis, horas omittentibus, quorum unus moritur ante tempus, alter post tempus obligationis earum, gravius in inferno puniendum istum, quam illum. Quod videtur absurdum. Sic enim majus peccatum, majorque damnatio istius penderet à casu fortuito. Nec lervus qui suā sibi culpā oculos eruit, vel crura fregit, novam pœnam incurrit, ex hoc quod post culpam istam ad imperium dominii non currat, nec videat quid agatur.

Respondeo S. Thomam 1. 2. q. 76. a. 4. ad 4. expreflè docere, peccatum in ebrietate commissum, novam ac distinctam mereri maledictionem: cum docet, quod ebris meretur duplices maledictiones, propter duo peccata quæ committit, scilicet ebrietatem, & aliud peccatum, quod ex ebrietate sequitur. Cumque 2. 2. q. 79. a. 3. ad 3. de peccato omissionis expreflè dicit, quod ei qui se inebrando, voluntariè se redditim impotentem ad non omitendum, omissione (effectivè) incipit imputari ad culpam, quando fuit tempus operandi, propter causam precedentem, ex qua omissione sequitur (quod & docet in 2. dist. 22. q. 2. a. 1. ad 4.) per consequens docet eum in inferno gravius puniri, qui moritur post tempus obligationis horarum, quam qui moritur ante. Quia ille violat obligationem horarum, non iste. Nec propterea majus peccatum, majorque damnatio illius pendet à casu fortuito. Non enim fortuito casui tribendum est, quod unus præ alio moriatur ante tempus obligationis horarum; sed misericordia Dei, qui ipsum eripuit è vivis, antequam peccatum omissionis incurriteret, alterum vero justo iudicio non eripuit, sed ipsi concessit tempus omittendi. Quoad servum de quo in objectione, si facti ipsum pœnitent, mittere cum ipso agendum. Sin minus, flagris continuis quis neget esse dignum? Ceterarum objectionum solutionem habes p. I. cap. 25.

C A P U T XVI.

Ex doctrina capitibus precedentibus stabilità magni momenti derivantur consecratio.

139 **S**equitur namque 1°. plurimas in nobis esse culpabiles, vincibilesque ignorantias, inadvertencias, & incogitantias, per peccatum, & propter peccatum nostrum induetas, de quibus inde contrahendis nulla praecessit formalis & a-

ctualis cogitatio, vel suspicio. Nec immerit Navarrum (apud Binsfeldium Enchirid. p. 3. c. 19.) dicere: *Horrendum quidem, sed tamen verissimum, multos damnari, ob non solutionem debitorum, nullum habentes conscientia scrupulum, credentes se non teneri ante declarationem per sententiam.*

Secundò, infidelitatem, Judaismum, hæresim, esse culpabiliter & imputabiliter in multis, certò perfidientibus sibi, veram se religionem sequi; tametsi nulla dubitandi ratio subierit aliquando; si tamen eum statum suā sibi culpā adsciverint, vel in eum ab initio inculpatè lapsi, tuā in eo culpā permanerint, alias inde liberandi. Quod quando contingat, in hac rerum caligine, generali regulâ definire nemo potest, Psalmistā dicente: *Delicta quis intelligit?* Neque enim per culpana quamcumque status ille contrahi videtur. Alias infidelitas negativa, in iis qui de Christo nihil audierunt, vix aut ne vix quidem inculpabili esset, nisi forte in primo rationis instanti. Quia nullus est qui non peccet.

Tertiò, multos, & valde multos, sine conscientiae remorsu peccare, multos absque scrupulo ad inferna descendere; multos male abbländiri sibi metipsi, sub prætextu inadvertentia, seu incogititia, quasi ob illam excutabiles forent: cum tamen revera sint inexcusabiles. Ed quod per culpam suam inordinatumque ad creaturas affectum, vel immortificatas passiones, vel voluntarias mentis evagationes, dissipationesque, istas sibi inadvertentias adsciverint. Propterea namque Augustinus in Psal. 54. monet, aliquos in infernum descendere viventes: quia sciunt malum esse quod faciunt. Alios verò nonnisi mortuos in infernum descendere: quia quod agunt malum, vel ignorant, vel non advertunt; in qua peccatorum suorum ignorantia frequenter manent ad mortem usque. Similiter Bernardus ferm. 2. de Assumpt. observat, multos esse, qui seducunt semetipsum, putantes se in statu salutis esse (dum sibi de specie pietatis abbländiuntur) qui tamen revera sunt in statu damnationis, ob notabiles culpas, quas intus furent, imprudenter quidem, inadvertenterque, sed culpā suā: utpote excæcati per nimiam mentis suæ dissipationem, inordinatemque affectum suorum: *Hominem inuenire (inquit) qui confessus est, & deseruit manifesta peccata precedentia ad judicium, & nunc solas manus movet ad opera mandatorum, corde penitus arido, ductus consuetudine quādam, planè quasi vitula Ephraim, docta diligere trituram. Exeriorum videlicet, quæ ad modicum valent, nec unum iora præterit; sed camelum gluit, dum culicem liquat. In corde enim servus est propria voluntatis, cultor avaritiae, gloria cupiens, ambitionis amator, alienus à charitate fraternali, adversus proximum astuans livore, felle amaritudinis & vindictæ, & mentitur iniqüitas sibi.* Vndeas enim sic palliatum hominem, ni seducat etiam semetipsum, non attendens vera-